



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2012. GODINU I POSTIZBORNOG FINANSIJSKOG IZVJEŠTAJA – LOKALNI IZBORI 2012. **NARODNE STRANKE RADOM ZA BOLJITAK**

Broj: 03-07-6-609/13  
Sarajevo, 13.06. 2014. godine

## SADRŽAJ

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS REVIZIJE .....	5
Predmet revizije .....	5
Cilj revizije.....	5
Obim revizije .....	5
4. PRETHODNE KONTROLE I REVIZIJE .....	5
5. NALAZI REVIZIJE I PREPORUKE .....	6
5.1. NALAZI.....	6
5.2. PREPORUKE.....	10

## **MIŠLJENJE REVIZORA**

Služba za reviziju finansiranja političkih stranaka (u daljem tekstu: Služba za reviziju) je izvršila reviziju finansijskih izvještaja Narodne stranke Radom za boljitak za 2012. godinu i to: godišnjeg finansijskog izvještaja za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i odredbama člana 15.10 Izbornog zakona BiH, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Smatramo da revizija koju smo izvršili pruža razumnu osnovu za izražavanje našeg mišljenja.

**Revizijom godišnjeg finansijskog izvještaja za 2012. godinu, utvrđeno je da je Narodna stranka Radom za boljitak prekršila odredbe člana 8. stav (1), člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.**

**Prema našem mišljenju, osim navedenog, revidirani finansijski izvještaj ukazuje da je Narodna stranka Radom za boljitak u 2012. godini postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Narodne stranke Radom za boljitak za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Revizija je preduzeta u skladu sa članom 10. stav (1) Zakona o finansiranju političkih stranaka, („Službeni glasnik BiH“ broj: 95/12), članom 25. stav (2) Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH broj: 103/08).

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka Radom za boljitak ostvarila je ukupne prihode u iznosu od 681.594,27 KM, što je iskazano u sljedećoj tabeli:

Red. br.	Vrsta prihoda	Iznos u KM	Učešće u ukupnom prihodu %
1	Članarina	6.148,00	0,90%
2	Prilozi fizičkih lica	30.493,72	4,47%
3	Prilozi pravnih lica	0,00	0,00%
4	Prihodi od imovine	531,77	0,08%
5	Prihodi od pr.lica	0,00	0,00%
6	Prihodi od poklona	13.400,00	1,97%
7	Prihodi iz budžeta	618.575,68	90,75%
8	Ostali prihodi	12.445,10	1,83%
	<b>Ukupni prihodi:</b>	<b>681.594,27</b>	<b>100,00%</b>

U godišnjem finansijskom izvještaju Narodna stranka Radom za boljitak iskazala je ukupne rashode u iznosu od 995.407,06 KM.

## 2. PREDSTAVLJANJE POLITIČKE STRANKE

Naziv političke stranke: Narodna stranka Radom za boljitak. Skraćeni naziv stranke je Za boljitak.

Stranka je registrovana kod Kantonalnog Suda u Sarajevu, Rješenjem broj R 30/01 i dopune rješenja: R-I-8/04 i R-I-5/05 od 28.06.2005. godine, sa sjedištem u Sarajevu, ulica Kranjčevićeva broj 41.

Rješenjem Općinskog suda u Sarajevu broj 065-0-F1-11-000003 od dana 03.06.2011. godine upisana je promjena adrese sjedišta Narodne stranke Radom za boljitak, prema kome je sjedište ove političke stranke u Sarajevu, ulica Kulovića broj 1.

Za zastupanje Narodne stranke Radom za boljitak ovlašten je Mladen Ivanković-Lijanović, predsjednik stranke.

Lice ovlašteno za podnošenje finansijskih izvještaja za 2012. godinu je Ante Jurilj.

Prema podacima iz godišnjeg finansijskog izvještaja za 2012. godinu, organizacionu strukturu Narodne stranke Radom za boljitak čine:

- Središnji ured stranke,
- 10 kantonalnih odbora u Federaciji BiH,
- 6 Regionalnih odbora u Republici Srpskoj
- Gradski odbor stranke Mostar,
- Odbor stranke u Brčko Distriktu BiH
- 121 općinski/opštinski odbor.

### **3. OPIS REVIZIJE**

**Predmet revizije** je godišnji finansijski izvještaj Narodne stranke Radom za boljitak za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine, i to sljedećih organizacionih dijelova političke stranke:

- Središnji ured Narodne stranke Radom za boljitak,
- Kantonalni odbor Livno,
- Kantonalni odbor Tuzla,
- Kantonalni odbor Sarajevo, i
- Općinski/opštinski odbor Banja Luka.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Narodna stranka Radom za boljitak u izvještajnom periodu postupala u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i članom 15.10 Izbornog zakona BiH.

**Obim revizije** finansijskog izvještaja Narodne stranke Radom za boljitak obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode od poklona, prihode iz budžeta, ostale prihode i troškove izborne kampanje.

### **4. PRETHODNE KONTROLE I REVIZIJE**

Služba za reviziju finansiranja političkih stranaka je obavila reviziju i pregled finansijskih izvještaja Narodne stranke Radom za boljitak u periodu od 2005. do 2011. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama političkoj stranci.

Nakon izvršenog pregleda godišnjeg finansijskog izvještaja za 2011. godinu, izdat je izvještaj o pregledu sa nalazima revizije i preporukom revizora da stranka treba da postupa u skladu sa odredbama člana 6. stav (2), člana 8. stav (1) i člana 11. stav (1) i (3) Zakona o finansiranju političkih stranaka.

### **Nerealizovane preporuke**

Na osnovu uočenih nedostataka u godišnjem finansijskom izvještaju za 2012. godinu, utvrđeno je da Narodna stranka Radom za boljitak nije ispoštovala preporuke iz Izvještaja o pregledu godišnjeg izvještaja za 2011. godinu, odnosno i dalje se finansira iz zabranjenih priloga, ne vodi pravilne evidencije o prihodima i rashodima i finansijske izvještaje popunjava suprotno Pravilniku o godišnjim finansijskim izvještajima političkih stranaka.

## **5. NALAZI REVIZIJE I PREPORUKE**

### **5.1. NALAZI**

**a) Narodna stranka Radom za boljitak je prekršila odredbe člana 8. stav (1) Zakona o finansiranju političkih stranaka, koji je bio na snazi do 04.12.2012. godine, jer se finansirala iz zabranjenih priloga.<sup>1</sup>**

Politička stranka, odnosno njenih pet (5) organizacionih dijelova, je ostvarilo zabranjene priloge, na način što su pod povoljnijim uslovima ili bez plaćanja zakupnine koristili poslovne prostorije koje su u vlasništvu općina.

- Općinski odbor Narodne stranke Radom za boljitak Ilidža je na osnovu Ugovora o zakupu poslovnih prostorija sa Općinom Ilidža, broj: 05-23-2115/09 od 07.10.2009. godine, koristio poslovni prostor površine 18,30 m<sup>2</sup>. Cijena zakupa je ugovorena u procentu 10% od početne cijene zakupa od 20,00 KM za extra zonu, u kojoj se poslovni prostor nalazi, odnosno u iznosu od 2,00 KM po m<sup>2</sup> uvećanoj za porez na dodatu vrijednost. Korištenjem poslovnog prostora u periodu od 11 mjeseci, po cijeni zakupnine ispod tržišne cijene, stranka je ostvarila prilog Općine Ilidža u iznosu od 3.623,40 KM.
- Općinski odbor Narodne stranke Radom za boljitak Bihać je na osnovu Ugovora sa Općinom Bihać koristio poslovni prostor površine 15,18 m<sup>2</sup> uz mjesečnu zakupninu od 1,39 KM/ m<sup>2</sup>, što mjesečno iznosi 21,06 KM. Prema Odluci o davanju u zakup poslovnih prostorija („Službeni glasnik Općine Bihać“ broj 4/02, 2/03, 8/04 i 8/07), cijena zakupa u I građevinskoj zoni, u kojoj se nalazi prostor koji koristi politička stranka, iznosi 10,00 KM/m<sup>2</sup>. Korištenjem poslovnih prostorija u periodu od 9. marta do 4. decembra 2012. godine, pod povoljnijim uslovima, u odnosu na tržišne, stranka je ostvarila prilog od Općine Bihać u iznosu od 1.154,50 KM.

---

<sup>1</sup> U skladu sa odredbom iz člana 8. stav (1) Zakona o finansiranju političkih stranaka, državni, entitetski i kantonalni organi, organi Brčko Distrikta BiH, organi opštinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke.

- Općinski odbor Narodne stranke Radom za boljitak Tuzla je na osnovu Ugovora o zakupu poslovnih prostorija broj: 02-14-773 od 23.08.2006. godine, bez naknade koristio poslovni prostor površine 61,53 m<sup>2</sup>, koji je u vlasništvu Općine Tuzla. U skladu sa odredbama iz pomenutog ugovora, politička stranka ima obavezu da mjesečno plaća iznos od 93,43 KM. Prema Odluci o davanju u zakup općinskih poslovnih zgrada, poslovnih prostorija i garaža ("Službeni glasnik Općine Tuzla", broj 6/04), najniža cijena zakupnine u II zoni Općine Tuzla iznosi 8,00 KM/m<sup>2</sup>. Korištenjem poslovnog prostora u periodu od 11 mjeseci 2012. godine, Narodna stranka Radom za boljitak je ostvarila prilog Općine Tuzla u iznosu od 4.386,90 KM.
- Općinski odbor Narodne stranke Radom za boljitak Ilijaš je na osnovu ugovora o davanju na korištenje poslovnih prostorija broj: 04/3-14-1043/09 od 09.09.2009. godine, koristio bez naknade poslovni prostor površine 14,40 m<sup>2</sup> u vlasništvu Općine Ilijaš. Obzirom da u skladu sa Odlukom o načinu i visini plaćanja zakupnine poslovnih prostora na području općine Ilijaš ("Službene novine Kantona Sarajevo", broj 2/00) najniži iznos mjesečne zakupnine na području ove općine iznosi 8,00 KM, stranka je korištenjem poslovnog prostora u periodu od januara do novembra 2012. godine ostvarila prilog Općine Ilijaš u iznosu od 1.267,20 KM.
- Općinski odbor Narodne stranke Radom za boljitak Zavidovići je na osnovu Odluke o davanju saglasnosti na korištenje poslovne prostorije u vlasništvu općine Zavidovići broj: 01-23-5716/08 od 30.12.2008. godine, bez naknade koristio poslovni prostor površine 22,87 m<sup>2</sup>.

**b) Izvršenom revizijom finansijskog izvještaja Narodne stranke Radom za boljitak i finansijske dokumentacije za 2012. godinu, utvrđeno je da je stranka prekršila odredbe člana 11. stav (1) i (3) Zakona o finansiranju političkih stranaka,<sup>2</sup> koji je bio na snazi do 04.12.2012. godine.**

Na osnovu finansijskog izvještaja i finansijske dokumentacije koju je na zahtjev Centralne izborne komisije Bosne i Hercegovine dostavila politička stranka, utvrđeno je da Narodna stranka Radom za boljitak nije uspostavila potpune i tačne evidencije o svojim prihodima i rashodima, čime je prekršila odredbe člana 11. stav (1) Zakona o finansiranju političkih stranaka.

Obzirom da je politička stranka za sastavljanje finansijskog izvještaja koristila nepotpune i netačne evidencije iz poslovnih knjiga, finansijski izvještaj nije podnijela u skladu sa odredbama člana 11. stav (3) Zakona o finansiranju političkih stranaka.

- (1) U poslovnim knjigama niti u finansijskom izvještaju koji je podnijela Centralnoj izbornoj komisiji Bosne i Hercegovine, politička stranka nije iskazala prihode koji je ostvarila iz budžeta Hercegbosanskog kantona u iznosu od 72.000,00 KM, i prihod iz budžeta općine Pelagićevo u iznosu od 1.000,00 KM.

---

<sup>2</sup> U skladu sa odredbom člana 11. stav (1) tada važećeg Zakona o finansiranju političkih stranaka («Službeni glasnik BiH» broj 22/00, 102/09 i 54/10), koji je bio na snazi do 04.12.2012. godine), političke stranke su obavezne da vode evidencije o svojim prihodima i rashodima, a u skladu sa odredbom iz stava (3) istog člana, političke stranke podnose finansijski izvještaj u formi koju odobri Centralna izborna komisija BiH.

Ista odredba, u Zakona o finansiranju političkih stranaka («Službeni glasnik BiH» broj 95/12) je propisana u članu 12. stav (1) i (3) Zakona.

- Na Zahtjev Centralne izborne komisije Bosne i Hercegovine Ministarstvo financija Herceg-Bosanske županije Tomislavgrad je dostavilo akt broj: 03-05-14-81.28/13 od 29.08.2013. godine, sa pregledom uplaćenih sredstva u periodu od 01.01. do 31.12.2012. godine u ukupnom iznosu od 72.000,00 KM. U aktu se navodi da je jedna tranša, u iznosu od 36.000,00 KM, uplaćena 04.01.2012. godine na transakcioni broj: 3381502500006993 i druga tranša uplaćena 24.09.2012. godine u iznosu od 36.000,00 KM, uplaćena na isti transakcijski račun. Stranka navedena sredstva budžeta nije evidentirala u poslovnim knjigama ni u finansijskom izvještaju, a takođe nije iskazala navedeni transakcioni račun.
- Stranka u finansijskom izvještaju nije iskazala sredstva budžeta Opštine Pelagićevo u iznosu od 1.000,00 KM. Na zahtjev Centralne izborne komisije BiH, Opština Pelagićevo je dostavila akt broj: 02-402-16/13 od 12.09.2013. godine, u kome je navedeno da je opština uplatila sredstva budžeta u iznosu od 1.000,00 KM na tekući račun 5620118073680593 NLB Razvojna banka.<sup>3</sup>

Obzirom da u finansijskom izvještaju Narodna stranka Radom za boljitak nije iskazala transakcioni račun, sve prihode koje je ostvarila iz budžeta kantona i općine, stranka je prekršila odredbe člana 11., člana 13. i člana 19. tada važećeg Pravilnika o godišnjim finansijskim izvještajima političkih stranaka („Službeni glasnik BiH“ broj 61/06)- u daljem tekstu: Pravilnik.

- (2) Troškovi propagande koji se u finansijskom izvještaju iskazuju na obrascu 4-2, koji se odnose na troškove štampanja plakata i plakatiranja u iznosu od 199.472,13 KM i troškovi štampanja, umnožavanja i slanja predizbornog materijala biračima u iznosu od 105.410,31 KM nisu iskazani u skladu sa odredbama člana 22. tačka b) Pravilnika.
- Troškovi štampanja plakata i plakatiranja po računu pravnog lica Europlakat doo Sarajevo br. 553-09/12 od 12.09.2012. godine u iznosu od 199.472,13 KM, na obrascu 4-2. su pogrešno klasifikovani i iskazani kao ostali troškovi propagande.
  - Troškovi štampanja, umnožavanja i slanja predizbornog materijala biračima po računima Print Team Mostar<sup>4</sup> u ukupnom iznosu od 13.226,22 KM, po računima New Export Kladanj<sup>5</sup> u ukupnom iznosu od 49.679,13 KM, po računu Diona d.o.o. Široki Brijeg<sup>6</sup> u iznosu od 39.626,49 KM i po računu Lisca Distribucija Zagreb<sup>7</sup> u iznosu od 2.878,08 KM na obrascu 4-2. godišnjeg finansijskog izvještaja pogrešno su klasifikovani i iskazani kao ostali troškovi propagande.
- (3) Politička stranka je iskazala troškove goriva za Središnjicu stranke u finansijskom izvještaju u iznosu od 14.761,57 KM.  
Revizijom je utvrđeno da politička stranka nije popunjavala putne naloge za vozilo, nije vodila evidencije o relacijama kretanja vozila, nije vođena evidencija o pređenoj kilometraži

<sup>3</sup> Na osnovu Zahtjeva opštinske organizacije Narodne stranke Radom za boljitak Gradačac/Pelagićevo, Opština Pelagićevo 13.06.2012. godine, uplatila 1000,00 KM na tekući račun odbornika stranke Slavka Zovkića broj: 5620118073680593 NLB Ravojne banke.

<sup>4</sup> Računi Print Team Mostar br.12-300-000035 od 14.02.2012.g na iznos od 9.181,22 KM i Rn.br.12-300-000225 od 30.07.2012.g na iznos od 4045,39 KM.

<sup>5</sup> Računi New Export Kladanj br.24-0429 od 06.06.2012.g na iznos od 14.601,60 KM, Rn.br.38-0429 od 28.09.2012.g na iznos od 6.997,53 KM i Rn.br.36-0429 od 24.09.2012.g na iznos od 28.080,00 KM.

<sup>6</sup> Račun Diona d.o.o. Široki brije br. 03-144 od 13.09.2012. godine na iznos od 39.626,49 KM.

<sup>7</sup> Račun Lisca distribucija Zagreb br.12/12 od 03.10.2012. godine na iznos 2878,08 KM (1470 EURA).



i nije vođena evidencija o utrošku goriva. Osoba ovlaštena za podnošenje finansijskih izvješta navodi da su troškovi goriva nastali u svrhu putovanja predsjednika političke stranke.

(4) Narodna stranka Radom za boljitak je u 2012. godini izvršila otpis potraživanja po osnovu isplaćenih novčanih akontacija članovima političke stranke, za izvršenje određenih poslova u 2006. godini, u iznosu od 56.330,00 KM i otpis pozajmice fizičkom licu u iznosu od 20.000,00 KM. Otpisana potraživanja politička stranka je u poslovnim knjigama i finansijskom izvještaju iskazala kao trošak političke stranke.

Obzirom da je iznos od 76.330,00 KM, otpisan u korist fizičkih lica, isti u skladu sa poreznim propisima ima karakter ličnih primanja, na koja je politička stranka bila obavezna obračunati i uplatiti pripadajući porez.

Na upit Poreznoj upravi Federacije BiH, da li je stranka u momentu otpisa potraživanja, odnosno 2012. godine imala obavezu da plati porez na dohodak i pripadajuće doprinose u skladu sa važećim Zakonom o porezu na dohodak, Porezna uprava je dala Odgovor broj: 13/08-02-3-1145-1/14 – F.B. i Dž.H. od 24.03.2014. godine u kome navodi da je politička stranka u momentu isplate navedenih primanja po osnovu ugovora o djelu, na ista bila dužna platiti porez na plaću po stopi od 30% u skladu sa tada važećim Zakonom o porezu na plaću.

(5) Politička stranka, ne vodeći računa o odredbama člana 29. Zakona o sprečavanju pranja novca i finansiranja terorističkih aktivnosti ("Službeni glasnik BiH", broj 53/09) je putem blagajne ostvarila više gotovinskih transakcija čiji iznosi prelaze 30.000,00 KM.

- Revizijom blagajničke dokumentacije je utvrđeno da je Narodna stranka Radom za boljitak primila pozajmicu od fizičkog lica, najbližeg člana porodice definisanog članom 22. Zakona o sprečavanju pranja novca i finansiranja terorističkih aktivnosti, u iznosu od 205.000,00 KM koji je uplaćen gotovinski u blagajnu u iznosima od: 29.800,00 KM 06.09.2012. godine, 29.200,00 KM 07.09.2012. godine, 22.000,00 KM 25.09.2012. godine, 9.000,00 KM 26.09.2012. godine, 50.000,00 KM 12.10.2012. godine, 65.000,00 KM 15.10.2012. godine.
- Politička stranka je fizičkom licu gotovinski iz blagajne isplatila iznos od 85.000,00 KM za kupljeno putničko vozilo. Isplate su izvršene u iznosu od 30.000,00 KM 20.03.2012. godine, i 55.000,00 KM 15.10.2012. godine.

### **Troškovi izborne kampanje**

Narodna stranka Radom za boljitak iskazala je troškove izborne kampanje za Lokalne izbore 2012. godine u iznosu od 406.531,47 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>8</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Narodna stranka Radom za boljitak je u svrhu izborne kampanje mogla da potroši 849.882,00 KM.

---

<sup>8</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## 5.2. PREPORUKE

*Preporučuje se Narodnoj stranci Radom za boljitak da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da ne prima priloge koji su zakonom zabranjeni,*
- *da vodi tačne evidencije o svojim prihodima i rashodima, i*
- *da obrasce finansijskih izvještaja popunjava u skladu sa odredbama Pravilnika o godišnjim finansijskim izvještajima.*

*Takođe, preporučuje se stranci:*

- *da uplate i isplate gotovine u većim iznosima ne obavlja putem blagajne stranke, nego da iste obavlja preko transakcionog računa stranke.*

## KOMENTAR

U ostavljenom roku, Narodna stranka Radom za boljitak dostavila je odgovor na Preliminarni izvještaj o reviziji godišnjeg finansijskog izvještaja za 2012. godinu, kojim je pokušala osporiti nalaze revizije.

Navodi stranke su neosnovani, osim u dijelu koji se odnosi na iskazivanje prihoda koji je stranka ostvarila iz budžeta Zeničko-Dobojskog kantona i Općine Hadžići, kao i iskazivanje troškova zakupnine općinskih odbora: Posušje, Grude i Velika Kladuša.

Pomenuti dio navoda, za koje je stranka dostavila relevantne dokaze, su uvaženi.

Zahvaljujemo se ovlaštenoj osobi za finansijske izvještaje i zaposlenim u središnjem uredu Narodne stranke Radom za boljitak na dobroj i korektnoj saradnji tokom obavljanja revizije finansijskih izvještaja.

Revizor

Andan Nevenko

Šef Službe za reviziju

Mr.sc. Hasida Gušić